



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDLII.

**urn:nbn:de:hbz:466:1-42840**

diligenterque seruiuit: & cum eodem ad culinæ officia deinde se contulit: ubi Ioannes fictilem ex argilla patinam, dum diligentius quam peritius eluit, illâ e manibus casu elapsâ, & contractâ, retinens moris domestici, quem obseruârat, incogitantiam suam damnunumque illatum palam in cœnaculo in pœnam est factus. S. Bernardus: *Imitemini omnes homines DEI Matris humilitatem.*

Homil. 1.  
super mis.  
sus.

ANNO M D L I I .

96 S. Franciscus Xauerius 2. Dec. 1552. moriens, familiares quasdam preces, breuiter, atque ardentè vibrare in cœlum auditus est ab i's qui aderant morienti: *O sacratissima, aiebat, TRINITAS! IESU, IESU fili David miserere mei!* Inde ad IESU Matrem: *Monstra te esse Matrem: Mater DEI, memento mei;* contentus nempe illam vno sed summo & omnia misericordix decora complexo Matris DEI titulo appellare. S. Germanus Patriarcha Constantinop. DEI Matris nomen vocat *signum dominicum & aureum.* Hoc sigillo vitam suam obsignauit Xauerius, id quod ibid. optat S. Germanus ita scribens: *Quod nomen ore, & corde, & anima tota complector: quod utinam in ore habere tunc possem cum mors ad vltimum redendum spiritum me compellet.*

Pro morte  
illam  
inuocare.

Annunciat.  
B.V.

Vid. Imag.  
2. seculi  
pag. 638.

Donis  
MARIANIS  
amicos  
inuocare.

97 Precatoria S. Francisci corolla e quâ DEI Matrem salutabat magno etiamnum in honore habetur. Illud passim est celebre, quod amico mercatori Malacam Meliapore nauigaturo, & pium quodpiam veteris amicitix inmemosynon perenti, Xauerius eam quam semper gestabat Deiparæ corollam e granis ad illam salutandum contextam donarit, impensèque monuerit vt illam seruaret, ceu perpetuum pignus auxiliij nullo in loco defuturi. Abijt MARIANO illo dono auctus mercator, sed nauem

navem tempestas fœda dissolvit, pessundedit. Mercator navis frusto cuiusdam adhærescens, quinto post die se propè portum reperit vnde soluerat; disertè, persanctèque testatus, se sui planè inconscium nihil de periculo in quo versabatur cogitasse, vetùm visum sibi cum Xaverio miscere colloquia. Sic ille Xaverianæ, seu MARIANÆ coronæ salutem debebat suam. Sic nostræ in Deiparam pietatis instrumenta honorat Filius Virginis à nobis honoratæ. S. Ioannes Chrysostomus ad B.V. *Haurire*, inquit, *fac effuse omnes, ò amatrix Virgo benignitatis, de tuarum flumine misericordiarum: & demum salutem nobis largire*. De Xaverii ac sociorum in India MARIANIS auspicijs egregiè rem Christianam propagantium erga Deiparam studio scripsit etiã Ferreolus Locrius MARIÆ augustæ lib. 3. c. 24.

98 MARIA Ignatio Constitutiones hoc demum anno 1552. promulgatas scribenti fidelis à DEO Magistra, & consultrix est data, ut legem illam igneam suis etiã maternis ignibus inflammaret, iuxta illud cap. 8. Prouerb. Per me Reges regnant; & legum conditores iusta decernunt. Ut ergo ad hanc recurrebat legislator Ignatius dum illas conderet; ita nos ad hanc par est recurrere, ut, quod ille monet, nihil perfectionis quod Diuinâ gratiâ consequi possumus in absolutâ omnium constitutionum obseruatione nostrique instituti peculiari ratione adimplendâ prætermittamus. Ad hoc nos inuitant hæc verba in S. P. Ignatii cubiculo tabellâ inscripta: *Hic S. P. Ignatius Societatis Constitutiones conscribens videt Deiparam eas cælitus approbantem*; Sic à maioribus accepimus, didicimusque ab ipsidem, in MARIA præsidij plurimum collocare ad eas quas illa cælitus approbavit Constitutiones obseruandas accurate.

I

ita

M. S.  
apud Mart.  
raccii Ode  
8. 14. Aug.  
Menæa.

Regulas  
accuratè  
seruare.

In enco-  
mio de  
Zona B.V.

ita omnibus numeris absolutâ, vt nostra quoque  
erga leges easdem religio ab ea mereatur approbari.  
Dicamus DEI Matri & nos id quod dixit S. Germa-  
nus: *Experientia didicimus te esse vehementissimam no-  
stram defensionem. Ad te confugimus tuus populus, tua  
hereditas, tuus grex, qui tui Filij appellatione exorna-  
tur, & gloriatur. Non est reuera finis tue magnitudinis:  
non est numerus tuorum beneficiorum.*

Dubita-  
tiones  
suas al-  
tari B.V.  
imponere.

99 Est in S. P. Ignatij cubiculo (cuius partem  
oratorium in recessu recondito obtinebat, & in quo  
Constitutiones conscriptæ sunt, vt vidimus) Beatif-  
simæ Virginis IESVM sinu Ioanni paruulo blandien-  
tem, Iosepho propè inspectante, complexæ imago;  
sub qua hæc spectatur epigraphæ in altari: *Hic ante hæc  
ipsam Deiparæ Virginis effigiem S. Ignatius et sacrificaba-  
bat, et orabat.* E regione imaginis alia tabella sic habet:  
*Hic S. P. Ignatius precationibus intentus, à Patre Ludo-  
uico Consaluo sapissimè beata quadam luce circumfusus  
conspectus est. Corâ hac icone, vt per sanctè testatus est  
is qui hæc vidit, & sacrificanti seruiuit, altari impo-  
nebat Ignatius quæ scribebat: vbi dubitationum no-  
dos euoluebat, soluebat. Pendet istic nunc perpetuo  
lumine illustris lampas ita inscripta: D. Virgini M.  
MARIE immaculate in sacello S. Ignatij, vi ardeat sem-  
per, Lusitaniæ Assist. dici. Istâ consuetudine non erra-  
bis; quam laudatus proximè S. Germanus appellat  
*Dubiorum rationale: veteris nouique testamenti sigillum.**

In Natiuit.  
B. V.

Conf. p. 4.  
c. 4.  
Officium  
B. V. attē-  
tè recita-  
re.

100 S. P. Ignatius cum magno mentis altæ con-  
silio præciperet de Scholasticis admissis conseruan-  
dis, posteaquàm de studijs dixit, & quid quoad spi-  
ritualia agendum perscripsit, inter alia: *Itaque, in-  
quit, horam vnâ impendent recitando Beatissimæ Vir-  
gini officio, &c. vbi aduerte, quâ constantiâ officium  
illud Virgini Matri exhiberi voluerit, cum illi horam  
præ.*

præstitutam voluit assignari. Declarationes quoque, quas eandem cum Constitutionibus auctoritatem habere voluit, cum ea omnia quæ circa Scholasticorum spiritum conseruandum sunt, Superioris prudentiæ reliquissent, adiecere: *quamuis vnus hora plus minus tempus ad Beatissimæ Virginis preces recitandas assumendum sit.* idque primo loco ponit: tum addit alia opera pietatis. Quam nunc horam, vt solidius Filio & Matri præstet obsequium Societas, meditandis vitæ CHRISTI, eiusque Matris mysterijs (id quod illi per gratiam esse didicimus) impendit, ita tamen vt non desint qui officium quoque adiciant. Nemo verò est qui consuetum aliquod Virgini Matri pensum & meditatione & vocis oratione non pendat. Huic officio intentum aliquando Ignatium admirabili Sanctissimæ TRINITIATIS amore lumineque perfusum dixi supra. Gentè magni semper habitum est à Deiparæ clientibus officium, MARIANVM. S. Francisca Romana officium B. V. ad lucem è suo Angelo emicantem recitabat. Officium quoddam in B. Virginis honorem à S. Augustino esse compositum Marraccius, author verè vndequaque MARIANVS, in Fundamentis MARIANIS testis est: equo etiam in libro refert Deiparam officio quotidie celebrari à Basilianis, Dominicanis, Norbertinis, Seruitis, &c. Idem B. V. officium Carthusianis mirè perplexis persuasum à S. Petro à B. V. misso, è cælis conspicuo, sic dicente: Ego vobis annuncio DEI Genetricem perpetuo suo patrocinio in hoc deserto vobis assuturam, si in eius honorem horarias preces quotidie legere velitis. Ita ibi pag. 81.

101 Coadiutores, quos ad familiares operas admittit Societas, benè semper ac seriò occupatos volebat, & si quid minus accuratè agentes videbat, cor-

suos Dei-  
pare ad-  
dictos  
velle, &  
vt sint  
procura-  
re.

pag. 40.

ripiebat S.P. Ignatius : & tamen voluit illis horam  
 vnam , præter Sacri tempus , cælestis cuiusdam otij  
 assignari ad obsequia MARIANA , examien , & c. *Præter  
 missam, inquit, horam etiam vnam recitando rosario vel  
 coronæ B. Virginis impendent.* Et fortè idcirco exami-  
 nis quoque in hora illa fit mentio , vt nobiscum dis-  
 quiramus quomodo nos in hoc etiam pietatis offi-  
 cio habuerimus , horam crastinam attentione maio-  
 re , Deiparæ , ac pietati præscriptæ daturi : vt res  
 non modo fiat , verùm etiam benè fiat. Eadem de  
 declarationum est mens , his verbis explicata : *Quod  
 ad coronam , vel rosarium attinet , doceantur quomodo  
 cogitari vel meditari mysteria, quæ in eo continentur, pos-  
 sint , quò maiori cum attentione & deuotione se in eo  
 exercere valeant.* Felices horæ MARIANÆ , stipendia-  
 riæ felicis æternitatis . Atque hæc ego de Constitu-  
 tionibus eo consilio in hunc annum illigavi , quia  
 illæ tamen annis proximè elapsis elaboratæ , hoc ta-  
 men anho 1552. primùm , vt ante innui , foris vulga-  
 ri per Sicilian , & reliquam Societatem sunt cœptæ .  
 Ab his nos certam quotidie horam DEI Matri dare  
 didicimus : idque attentè , ac religiosè . Rosarij  
 MARIANI admiranda refert Alanus , & ex illo cum  
 alijs , tum laudatus Marraccijs , vti & Sanctos qui  
 illud cordi habuere : illud S. Dominico à B. V.  
 commendatum , ad singulas salutationes Angelicas  
 singulos demones profligatos ; hominem è monstro  
 pristino vultui restitutum , cum instar demonis om-  
 nibus terribilis appareret ; animas ex abyssu peccato-  
 rum erutas : & alia plura magnæ omninò admiratio-  
 nis , ac propè supra fidem . Quare magnum operæ  
 pretium est illud attentè ac ita exequi , vti optabat  
 S.P. Ignatius .

Marracci  
 Pont. Mar.  
 pag. 86.